



প্রধানমন্ত্রীরদপ্তর

নতুন ভারত গড়ে তোলার কাজে পূর্ণ উদ্যমে কাজ করে যেতে হবে তরুণ আইএএস আধিকারিকদের পরামর্শ দিলেন প্রধানমন্ত্রী পরিবর্তন বিরোধী মানসিকতার শিকার না হয়ে নতুন ভারত গঠনের কাজে পূর্ণ উদ্যমে ঝাঁপিয়ে পড়ারজন্য আজ তরুণ আইএএস আধিকারিকদের পরামর্শ দেন প্রধানমন্ত্রী

Posted On: 04 JUL 2017 4:37PM by PIB Kolkata

পরিবর্তন বিরোধী মানসিকতার শিকার না হয়ে নতুন ভারত গঠনের কাজে পূর্ণ উদ্যমে ঝাঁপিয়ে পড়ারজন্য আজ তরুণ আইএএস আধিকারিকদের পরামর্শ দেন প্রধানমন্ত্রী। তিনি বলেন, নতুন ভারতের স্বপ্ন সফল করে তুলতে তাঁদের উচিৎ প্রশাসনিক ব্যবস্থাকে যুগোপযোগী করে তোলা।

২০১৫ ব্যাচেরআইএএস আধিকারিকদের এক সমাবেশে ভাষণ দিচ্ছিলেন শ্রী নরেন্দ্র মোদী। এঁদের সকলেরই এখনসহ-সচিব হিসাবে কাজের সূচনাকাল। প্রধানমন্ত্রী তাঁর ভাষণে বলেন, ভারত এতদিনেউন্নয়নের অনেকটা পথই অতিক্রম করতে পারত। কিন্তু বাস্তবে তা সম্ভব হয়ে ওঠেনি। অথচ, ভারতের পরে স্বাধীনতা লাভ করেছে এমন অনেক দেশ রয়েছে, যাদের ভারতের থেকেও কঠিন পরিস্থিতির সম্মুখীন হতে হয়েছিল। কিন্তু উন্নয়নের নতুন নতুন মাত্রায় ঐ দেশগুলি পৌঁছে গেছে ইতি মধ্যেই।

শ্রী মোদী বলেন, পরিবর্তন তথা রূপান্তর সম্ভব করে তুলতে প্রয়োজন দৃঢ়তা ও বলিষ্ঠতার। কিন্তুপ্রশাসনিক ব্যবস্থাকে যদি জোরদার করে তোলা না যায়, তা হলে আধিকারিকদের কাছ থেকে আশানুরূপ কাজ লাভ করা সম্ভব হয় না। সমগ্র ব্যবস্থার খোলনলচে বদলে দেওয়ার জন্য প্রয়োজন সচল পরিবর্তনের।

প্রধানমন্ত্রী বলেন, কেন্দ্রের সহ-সচিবদের এই তিন মাসের কর্মসূচির প্রভাব রয়েছে যথেষ্ট। পরবর্তী তিন মাসে তরুণ আধিকারিকদের উচিৎ তাঁদের বর্ধিত আধিকারিকদের সঙ্গে খোলাখুলিভাবে আলোচনা ও মতবিনিময় করা। কারণ, তাতে নতুন নতুন চিন্তাভাবনা এবং তা বাস্তবায়নের উদ্যোগ ও কর্মশক্তির মধ্য দিয়ে লাভবান হবে সমগ্র প্রশাসনিক ব্যবস্থাটি। শুধু তাইনয়, সচিব পর্যায়ের আধিকারিকদের অভিজ্ঞতাকে সঙ্গে করে এই ব্যবস্থা এগিয়ে যাবে আরও বহুদূর।

ইউপিএসসি'র ফলাফল বেরনের দিন থেকে শুরু করে এ পর্যন্ত তাঁদের জীবনচক্রের কথা স্মরণ করার আহ্বান জানান প্রধানমন্ত্রী। তিনি বলেন, এই সময়কালের মধ্যে অনেক চ্যালেঞ্জেরই তাঁদের মোকাবিলা করতে হয়েছে। তাই, এখন যে সমস্ত সুযোগ-সুবিধা রয়েছে, তাকে কাজে লাগিয়ে সমগ্র প্রশাসনিক ব্যবস্থায় ইতিবাচক পরিবর্তন সম্ভব করে তুলতে হবে। আর এই ভাবেই পরিবর্তনের ছোঁয়া লাগবে সাধারণের মানুষের জীবন যাত্রাতেও।

এদিনের সমাবেশে উপস্থিত ছিলেন – কেন্দ্রীয় কর্মী, জনঅভিযোগ এবং পেনশন দপ্তরের প্রতিমন্ত্রী ডঃ জিতেন্দ্র সিং সহ অন্যান্য বর্ধিত আধিকারিকরাও।

(Release ID: 1494480) Visitor Counter : 2

Background release reference

নতুন ভারতের স্বপ্ন সফল করে তুলতে তাঁদের উচিৎ প্রশাসনিক ব্যবস্থাকে যুগোপযোগী করে তোলা

